

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De secundo

[urn:nbn:de:bsz:31-122776](#)

Dominica VII. post Trinitatis.

212

statu exinanitionis? Est enim adhuc frater noster, & ad dextram Patris interpellat pro nobis, Rom. 8. v. 34. O confidite dilecti in omnibus necessitatibus. Salvatorem habemus, qui non tantum habet cor misericors, sed & manus omnipotentes, quæ superabundanter facere possunt ultra id quod peritus & intelligimus, Eph. 3. v. 20. Opus tamen est, ut populum hunc imitemur 1. Christum sequendo. 2. verbum audiendo. 3. in devotione permanendo. Nam mitericordia parata est timentibus ipsum, Ps. 103. v. 17. Luc. 1. v. 50.

De Secundo.

Vidimus Christi clementiam, videbimus etiam *Apostolorum dissidentiam*. Postquam enim Christus animum & consilium suum aperuisse, dissident illi cibationem populi tribus argumentis:

1. *Propter cibi paucitatem.* Nihil enim habent præter septem panes, quibus ipsi indigebant, & proinde in alios distribuere supervacaneum existimabant. Ita nos pendemus ab externis mediis, quæ præ oculis & manibus versantur. Si deficiunt, mox exclamamus: Septem panes quid inter tam multos? verum stultis istis & profanis cogitationibus præsens hoc miraculum opponamus. Opponamus exempla Israelitarum in deserto, Ex. 16. v. 14. Eliæ, 2. Reg. 4. v. 5. 43. Sa-zeptana, 1. Reg. 17. v. 14. Opponamus indubitatas promissiones divinas, Ps. 33. v. 19. 37. v. 25. Isa. 30. v. 20. Ebr. 13. v. 5. Has promissiones Deus dedit qui est ipsa veritas, & cuius verbum est veritas. Cœlum & terra transibunt, verba autem mea non transibunt, inquit Christus, Luc. 21. v. 33.

2. *Propter loci sterilitatem.* Putant enim, si vel maximè tantum pecunia super sit,

quantum ad cibandum hunc populum requiratur, tamen in deserto panes nullos venum expositos esse, quibus saturerent tot stomachi famelici. Tales nobis etiam quandoque obrepunt cogitationes, cum ager sterilescit vel propter bellicos tumultus, vel etiam propter aeris inclemenciam. Sed nolite animum abjecere, Deus in deserto 40. annis pavit Israelitas absque satione & absque messe, Deut 8. v. 16. pascet etiam nos, & non permitte aliquem suorum fame perire, Ps. 145. v. 15. 16.

3. *Propter populi numerositatem.* Hec multos adhuc hodie vexat tentatio, quando familiam suam contemplantur, & multos insuper liberos habent, quibus victum & amictum suppeditare coguntur. Noli desperare: Dives est Deus noster super omnes qui invocant ipsum, Rom. 10. vers. 12. in hunc jacta curam tuam, Ps. 55. v. 23.

Er gibt mehr auf einen Tag/
Dann ein ganz Kaiserthum vermag/
Noch ist er so ein reicher Gott/
Ze mehr er gibt, je mehr er hat.

Si igitur habes multos liberos, fac multum orent, & Pater cœlestis, qui audit pullos corvorum invocantes eum, audiet etiam preces liberorum tuorum Pl. 147. v. 9. nam ex ore infantum & lactentium perficit sibi laudem, Psal. 8. v. 3. qui dedit ipsis vitam, victum & vestes non denegabit, Matth. 6. v. 25. parvos & magnos creavit, & æqualem pro omnibus curam gerit, Sap. 6. v. 8.

Josephus in Ägypto Patri & fratribus dat bat possessionem, singulis tamen pro numero liberorum, Gen. 47. v. 12. Multò magis Deus respiciet liberos, & piis parentibus tantum dabit, quantum ad alimentandos liberos sufficiet. Hinc Lutherus in glossa

margi-

marginali: Nobis senioribus, qui malitiosi sumus, Deus benefacit propter liberos. **Wir alte Narren essen mit den Kindern / und nicht die Kinder mit uns:** Ipsi sunt Domini nos provisores. Quoties igitur Satanus in corde tuo hanc movere questionem: Unde sumemus panes, ad Christum configue, & dic humiliter: Ah Domine, panes duntaxat septem supersunt, & multi vixi meo indigent: Tu vero dives es super omnia, tuam benedictionem expectabo, non est tibi difficile servare, vel in multis vel in paucis, 1.Sam. 14. v.6.

De Tertio.

Restat pars Tertia de miraculo, cuius excellentiam tria potissimum commendare videntur:

I. *Discubitus.* Mox enim ubi Christus percipit, septem adhuc panes superesse, praecipit turba, ut discumberent super terram.

Hoc pertinet ad nostram informationem. Per discubitum intelligi potest certum vitæ genus & officium, quo Deus unumquemque collocavit. Non enim omnes unam & eandem stationem occupant, sed hunc Deus iussit discubere in Ecclesia, illum in Curia, alium in Oeconomia: Unusquisque ergo maneat in sua vocatione, 1. Cor. 7. v. 17. nec spe majoris lucri alium locum occupet. Omnis qui timet Dominum saturabitur, quocunque loco considererit, modo expectet donec benedictione suâ Deus ad ipsum quoque pervenerit.

II. *Agendi modus,* qui valde notabilis:

I. *Panes accepit,* & ita quasi consecravit attactu manuum tuarum, ut ad cibationem tantæ multitudinis abundantissime sufficerent. Potuisset quidem solo verbo & nutu etiam sine panibus & piscibus haec quatuor

hominum millia saturare, ut Mosen, Exod. 34. v. 28. & Elizam, 1. Reg. 19. v. 8. vel varias escas ex nihilo producere, sicut in principio omnia ex nihilo condidit, Gen. 1. v. 1. Rom. 4. vers. 17. sed ab ordinario pascendi modo non vult omnino recedere, proinde panes accipit, quos porrigit ipsi discipuli. Hic debet materiam præbere miraculi, quamvis post cibationem plus superest fragmentorum, quam hi septem panes suppeditare potuerint. Docet nos, quod media ad vitæ sustentationem ab ipso Deo ordinata non debeamus negligere.

2. *Gratias egit,* ut nos doceret de perceptis cœlitus munieribus gratias semper agere. Quia enim nihil habemus quod non acceptimus, 1. Cor. 4. v. 7. æquum est, ut hoc agnoscamus & gratias agamus semper pro omnibus in nomine Domini nostri Jesu Christi, Eph. 5. v. 20. hæc est voluntas Dei, 1. Thes. 5. v. 18. præsertim quando ad mensam accedimus, aut de mensa surgimus preces non obliviscamur, quibus omnis creatura sanctificatur, 1. Tim. 4. v. 4. & cogitemus, Deum esse, qui dat nobis oleum, vīnum & frumentum, Os. 2. v. 8. eique hoc nomine gratias agamus, Deut. 8. v. 10. Hoc si non observamus, sed sumus instar vacuarum, quæ gramine vescuntur, nec agnoscunt cujus benignitate creverit, aut instar porcorum, qui vescuntur glandibus, & ne vel temel oculos elevant ad querum, ex qua decidunt, certè Deum ad iram concitamus, ut auferat fulcimentum, Esa. 3. v. 1. quo sine comedimus quidem, sed non saturamur, Hagg. 1. v. 6.

3. *Fregit,* ut distribui possent. Nihil hoc ad fractionem Calvinianam, sed docere voluit Christus, quomodo nos quoque panes nostros

Dd 3